

UGOVOR O PRUŽANJU USLUGA SERVIS BOCA IZOLACIONIH APARATA

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **TEHPRO** d.o.o. ul. Svetosavska br.93, Glamočani, 78250 Laktaši koju zastupa direktor Mladen Šukalo, (u daljem tekstu: **Izvršilac**), ID broj: 404855030002.

U daljnjem tekstu Ugovora, kada se Naručilac i Izvršilac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Izvršioca broj: 346 od 19.07.2023. godine i Zapisnik o provedenom postupku za javnu nabavku usluge servis boca izolacionih aparata, broj: 06-11-942-2/23 od 21.07.2023. godine.

III PREDMET UGOVORA

Član 1.

Predmet ovog Ugovora je nabavka usluge: "Servis boca izolacionih aparata", a sve prema pozivu za dostavu ponude broj: 06-11-942-1/23 od 17.07.2023. godine.

IV CIJENA I NAČIN PLAĆANJA

Član 2.

Ukupno ugovorena cijena za izvršenje usluga iz predmeta ovog ugovora iznosi do 6.903,00 KM (slovima: šesthiljadadevetstotinatri KM).

U ukupno ugovorenu cijenu iz prethodnog stava ovog člana uračunati su troškovi PDV-a i isti padaju na teret Naručioća.

Član 3.

Plaćanje usluga iz člana 3. ovog Ugovora, Naručilac će vršiti uplatom na račun Izvršioca br: 552-00020097612-02 kod Addiko banka a.d. Banja Luka, nakon obavljene servisne usluge, a na osnovu ispostavljenog računa u roku od 15 (petnaest) dana.

V ROK I MJESTO PRUŽANJA USLUGA

Član 4.

Izvršilac se obavezuje da će usluge iz člana 1. ovog ugovora izvršiti u skladu sa potrebama Naručioća na lokaciji Izvršioca u periodu od 30 (slovima: trideset) dana od trenutka preuzimanja boca.

VI KVALITET PRUŽENIH USLUGA

Član 5.

Izvršilac se obavezuje, da će usluge iz člana 1. ovog Ugovora izvršiti kvalitetno i blagovremeno, prema iskazanim potrebama Naručioca, u skladu sa važećim standardima i propisima određenim za ove vrste usluga.

VII OBAVEZE IZVRŠIOCA I NARUČIOCA

Član 6.

Izvršilac se obavezuje:

- da uslugu servisa izolacionih aparata izvrši kvalitetno i u ugovorenom roku, u skladu sa specifikacijom usluga navedenoj u svojoj ponudi br. 346 dostavljenoj 19.07.2023. godine, a u skladu sa važećim propisima, pravilima struke, zahtjevima Naručioca i odredbama ovog Ugovora;
- da organizuje primanje i dopremanje ispitane opreme iz Profesionalne vatrogasne jedinice Kantona Sarajevo;
- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva;
- da po izvršenim servisnim uslugama, pregledima, testiranjima i provjerama boca izolacionih aparata dostavi Naručiocu pojedinačni izvještaj i atest za svaku pregledanu bocu sa upisanim kataloškim brojem boce.

Član 7.

Naručilac se obavezuje:

- da obezbijedi uslove Izvršiocu za nesmetan rad u skladu sa međusobno usaglašenom dinamikom;
- da odredi kontakt osobu koja će ispred ugovornog organa biti uključena u realizaciju predmetne usluge;
- da pripremi boce izolacionih aparata koje je potrebno servisirati;
- da pismeno obavijesti Izvršioca o svakom eventualnom propustu u odnosu na pitanja utvrđena ovim Ugovorom.

VIII RASKID UGOVORA I NAKNADA ŠTETE

Član 8.

Kada jedna ugovorna strana na ispuni svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili, pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

VIII PRIJELAZNE I ZAVRŠNE ODREDBE

Član 9.

Izvršilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica

koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.


Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Isporučioca, a isti će se realizovati u skladu sa članom 4. Ugovora.


Član 13.

Ugovor je sačinjen u 5 (pet) istovjetnih primjerka, od kojih Kupac zadržava 3 (tri), a Prodavac 2 (dva) potpisana i ovjerenjena primjerka.

IZVRŠILAC
TEHPRO d.o.o.
DIREKTOR



NARUČILAC
KUCZ KS



Broj: 376
U LAKTAŠIMA, 04.07.2023. godine

Broj: 06-11-942-3/23
U Sarajevu, 25.07.2023. godine

